

# Канон преподобному Паисию Великому об избавлении от мук умерших без покаяния

*Канон взят из старинного канонника, на него ссылаются как на поемый за избавление от муки без покаяния умерших в своей книге "О поминовении усопших по уставу Православной Церкви" авторитетный знаток уставного богослужения епископ Афанасий (Сахаров).*

## Тропарь, глас 2-й

Божественною любовью от юности распалем преподобне, вся красная яже в мире возненавиде, Христа единого возлюбил еси. Сего ради в пустыню вселися, идеже сподобися Божественнаго посещения, Егоже неудобь зрети и ангельскими очима, паде поклонися. Великий же Дародатель, яко Человеколюбец, рече к тебе: не ужасайся возлюбленный Мой, дела твоя угодна Мне. Се, даю тебе дар: о коем либо грешнике помолитися, отпустятся ему греси. Ты же в чистоте сердца твоего возгорися, прием воду и прикоснися Неприкосновенному, умы нозе Его. И воду пив, даром чудес обогатися, грешники от муки молитвою своею избавляти, болящия исцеляти, о, преподобие отче Паисие, и бесов от человек отгоняти ибо от сих грешников первый есмь аз. Молю тя, да умолиши Иже тебе обетова, да даст ми время покаяния, и простит мое согрешение, яко Благий и Человеколюбец, да со всеми и аз воспую Ему: аллилуиа. *(Дважды)*

**Слава Отцу и Сыну и Святому Духу. И ныне и присно и во веки веков. Аминь.**

*Богородичен.* Вся паче смысла, вся преславная Твоя, Богородице, таинства, чистотою запечатленна, и девством хранима, Мати разумесе неложна, Бога рождши истиннаго, Того моли спастися душам нашим.

## Канон, глас 6-й

### Песнь 1

*Ирмос.* Помощник и Покровитель бысть мне во спасение, Сей ми есть Бог, и прославлю Его. Бог отца моего и вознесу Его, славно бо прославися.

**Преподобне отче Паисие Великий, моли Бога о нас.**

Иже вся умудряющему Богу молися, преподобне о рабе своем, да отверзет ми устне недостойности, и двигнет ми язык недоуменный. Тесноту же и худогласие, отче, разверзи благодатию, иже в тебе Святаго Духа, к пению чудес твоих.

**Преподобне отче Паисие Великий, моли Бога о нас.**

Начну убо достохвальное и душеполезное житие твое от младенства. Иже древле Египет великаго во пророцех произнесе Моисея, иже к Богу присвоением и великими чудесы

прославися. Тако и ныне вторицею прославлен показася Египет, тебе ради, отче Паисие, честным именем твоим и многими добродетельми обогатися, еже дарова тебе Господь, Егоже моли, да спасет душа наша.

### **Слава Отцу и Сыну и Святому Духу.**

В Царство Небесное вшед узким путем и прискорбным по заповеди Владыки своего Христа, преподобне отче Паисие, широкий и пространный путь возненавидев, распространившийся мрак ума моего отжени, да возмогу малое сие моление принести в пречестную память твою.

### **И ныне и присно и во веки веков. Аминь.**

*Богородичен.* Дух сокрушен подаждь ми, Благая, смиренно сердце, уму же чистоту и житию исправление и прегрешением оставление.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

*Или сия катавасия:* Избави от бед рабы своя, преподобне отче Паисие, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

### **Песнь 3**

*Ирмос.* Утверди, Господи, на камени заповедей Ти подвигшееся сердце мое, яко Един Свят еси и Господь.

### **Преподобне отче Паисие Великий, моли Бога о нас.**

Каменю веры Петру апостолу уподобился еси, распятыя мiрови во всей жизни своей, преподобне Паисие, и нозе свои невозвратно к небесному шествию управил еси, и горняго Иерусалима достигл, со святыми предстоя Святей Троице, моли о мне единого Благаго Человеколюбца.

### **Преподобне отче Паисие Великий, моли Бога о нас.**

Благочестиваго корени пресветлая отрасль, тебе избра Господь, ангел рече матери твоей, сей Богу угоден. Ты же от младенства крест свой взял, невозвратным путем Тому последова, и возрасташе леты и разумом купно и благодатию Божию. Моли дати ми отпущение грехов.

### **Слава Отцу и Сыну и Святому Духу.**

О, Владыко Господи Исусе Христе, кто не удивится Твоему человеколюбию, егда прииде желание преподобному иноческо житие получитьи к деланию заповедий Твоих, Твоею благодатию яко агнец непорочен изведеса в пустыню, и достигл словесных овец, и введеса к пастырю блаженному Памве, и облечеса во иноческий образ, в немже утверди и мене Господи, молитвами преподобнаго Паисия, к деланию заповедий Твоих.

### **И ныне и присно и во веки веков. Аминь.**

*Богородичен.* Лютых мя мук, и тмы крошешныя и геенны, Твоими молитвами свободи, Дево, имаши бо волю и силу, Господа рождающая единого Преподобного.

*Катавасия:* Избави от муки вечная усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

#### **Седален, глас 2-й**

Душу связав любовию Христовою, земная возненавидев вся мудре, водворился еси, отче преподобне, в пустынях и горах, разумнаго древа вкуш славне, ангельски просиял еси. Темже и мрак прошед плоти своя, тму отгнал еси бесов Паисие, инокующим первый, моли Христа Бога, грехов оставление подати, чтущым любовию святыю память твою.

**Слава Отцу и Сыну и Святому Духу. И ныне и присно и во веки веков. Аминь.**

*Богородичен.* Скорый покров и помощь и милость покажи на рабе Своем, Чистая, и волны укроти суетных помышлений, и падшую ми душу возстави, Богородице, вем бо, вем яко можеш, елико хочеш.

#### **Песнь 4**

*Ирмос.* Услыша пророк пришествие Твое, Господи, и убоися, яко хочеш от Девы родитися и человеком явитися, и глаголаше: услыша слух Твой и убоихся, слава силе Твоей, Господи!

**Преподобне отче Паисие Великий, моли Бога о нас.**

Законострадальческое житие от мягких ногтей восприим богомудре Паисие, даже до конца пребыл еси, яко божествен доблественник венец приял еси победы от всех Царствующаго, молитвами своими избавляти от муки грешники, от них же первый есмь аз, не забуди мене.

**Преподобне отче Паисие Великий, моли Бога о нас.**

Имуще молитвенника крепка блаженне Паисие, и обещаика печальным, предстателя и поборника и ходатая благочестна, от всяких спасаемся бед, напастей и обстояний.

**Слава Отцу и Сыну и Святому Духу.**

Велию судеб бездну имеяй, Той тебе рече: се, бо даю ти дар, да все еже просиши от Отца Моего во имя Мое, дастся тебе, о коем либо грешнике помолиши, оставятся греси того: сего ради припадаю ти, отче Паисие, имея бездну согрешений, да отпустит твоими молитвами Иже тебе обетова, яко Благ и Человеколюбец.

**И ныне и присно и во веки веков. Аминь.**

*Богородичен.* Глагол провещай, егда право имам судитися, Богородительнице, к Своему Сыну, Пренепорочная, да обрящу Тя тогда прибежище и заступление державнейшее, и мук всех избавляющи.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

## **Песнь 5**

*Ирмос.* Из ноши утреннююща, Человеколюбче, просвети, молюся, и настави мя на повеления Твоя, и научи мя, Спасе, творити волю Твою.<

### **Преподобне отче Паисие Великий, моли Бога о нас.**

Постом удручая тело свое отче Паисие, иногда по причащении Тела и Крови Христовы, яко ангел седмьдесят дней без пищи телесныя пребывая, божественную державу неизреченную имущи, и возмогши в себе животную содержать силу благодатию Твоею, паче пищеаго укрепления, слава державе Твоей, Господи.

### **Преподобне отче Паисие Великий, моли Бога о нас.**

Яко Иоанн Креститель узким и прискорбным путем ходити произволил еси. Но той на Иордане узрев Зиждителя своего, устрасися и вопияше: не смею приступити сено огню. Ты же, отче Паисие, в пустыни иногда явльшагося Господа, не могий пречистаго лица Его зрети, пад трепетом одержим. Он же ти рече: не устрашайся, сию пустыню наполни постниками тебе. С нимиже молим, отче, не забуди нас, молитвенник твоих, помилованных быти.

### **Слава Отцу и Сыну и Святому Духу.**

Аз бо в начале моя пред Тобою зрю согрешения, и о моих беззакониих молю Твое милосердие, да простиши и покроеши благоутробием Твоим множество грехов моих, и даждь ми прочее жизни сея время безгрешно проводить. Да удобь на спасения стезю потек, безпреткновенно к доброму концу достигну Твоею помощию, кроме бо Твоя помощи и наставления ничтоже благо совершити, и милость у Тебе получитьи кто может.

### **И ныне и присно и во веки веков. Аминь.**

*Богородичен.* Рабское приношу Ти моление неразумный аз, и к Твоему прибегаю благоутробному милосердию, не отврати мене, Чистая, посрамлена.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

## **Песнь 6**

*Ирмос.* Возопих всем сердцем моим к щедрому Богу, и услыша мя от ада преисподняго, и возведе от тли живот мой.

### **Преподобне отче Паисие Великий, моли Бога о нас.**

Бездушная тварь Иордан своего Творца устыдеса, вопияше: не могу Безгрешнаго омыти. Святыи же виде Господа, приим воду, прикоснуса Неприкосновенному, умы носе Его. И

пив воду, и прия дар целити недуги и прогонити от человек бесы. Сего ради и мы припадаем ти, отче, молитвами твоими помилуй нас от всяких бесовских наведений.

### **Преподобне отче Паисие Великий, моли Бога о нас.**

По славе Господа нашего Исуса Христа, обретохом тя, отче Паисие, великое прибежище, и заступника и тепла молитвенника о гресех наших. Яко же первее инока преставльшася, и христианства отчуждившася и во глубину адову пагубным безверием низведеся, и егда ощутився притече к тебе, да умолиши Всемилоствиваго. Щедрый же Господь явился тебе и глагола: о, угодниче Мой, добро есть Моей любви подобяся, печешися о грешных, изволяй муки прияти за их избавление.

### **Преподобне отче Паисие Великий, моли Бога о нас.**

Принесеса молитва твоя и слезы к Богу, яко благовонный фимиам, и жертва непорочна и благоприятна, и мене не забуди ходатайством твоим ко Пресвятей Богородице, слезы умиления даси ми, омой грехов моих бездну, избави мя от смертныя глубины. И не надеющимся подаждь велию милость, и прости им согрешения.

### **Слава Отцу и Сыну и Святому Духу.**

Весь недоумением одержим есмь, егда прииму во уме той час страшный испытания Судии и Бога, и плачуся и сетую и рыдаю, поминая бездну зол моих. Темже спаси, Человеколюбче, молитвами Твоего угодника преподобнаго Паисия, и избави мя муки, яко Благоутробен.

### **И ныне и присно и во веки веков. Аминь.**

*Богородичен.* От сердца стенания приношаю Ти, Пренепорочная, Твое прося благопробитное заступление. Помилуй всестрастную ми душу, умиласердися, Мати многомилостиваго Бога, избавити мя Суда и езера огненнаго.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

### **Слава Отцу и Сыну и Святому Духу. И ныне и присно и во веки веков. Аминь.**

### **Кондак, глас 2-й.**

Житейских молв оставль, безмолвное житие возлюбил еси, Крестителю подобяся всеми образы, с нимже ты почитаем, отче отцев Паисие.

**Икос** Христов глас услышав, шествовал еси во след Того заповедий, наг жития быв, отверг попечения и вся стяжания и имения, и братий своих и любве матери, богоносне Паисие, един в пустынях Богови беседуя разумом, дарования приял еси, еже ми послы в песнях поющему, отцев начальниче Паисие.

### **Песнь 7**

*Ирмос.* Согрешихом, беззаконновахом, неправдовахом пред Тобою, ниже соблюдохом, ниже сотворихом, якоже заповеда нам, но не предаждь нас до конца, отцев Боже.

### **Преподобне отче Паисие Великий, моли Бога о нас.**

Многих грехов исполнен аз, и твоя молитва яко кадило благовоново исправися отче. Бездну грехов моих потреби, и буяющее море злаго жития изсуши, и напоение гневное отжени, и целомудренный ум молитвами своими утверди, отче Паисие.

### **Преподобне отче Паисие Великий, моли Бога о нас.**

Наставника тя и молитвенника тепла имущи, и скорого помощника, яко стену тверду и забрало недвижимо и воеводу крепка и непобедима молим тя, не забуди молитвенник твоих, избавляя от веяния печали и навет вражиих.

### **Преподобне отче Паисие Великий, моли Бога о нас.**

О, чудо велие, во един от дний седящу ти, отче Паисие, в пещере, бысть ти глас глаголяй: мир тебе, возлюбленному Моему угоднику, ты же возстав со страхом, и трепетом одержимь, паде поклонися и рече: се, раб Твой, Господи. Сего ради молим тя, моли Человеколюбца, да спасет души наша.

### **Слава Отцу и Сыну и Святому Духу.**

Дажь ми Христе разум и терпение, еже не осуждати согрешающих с кичением фарисейским, но яко мытарево покаяние приими, и яко блуднаго сына, Боже, вечери Твоей достойна мя яви, молитвами преподобнаго Паисия, и грехов прощение ми даруй.

### **И ныне и присно и во веки веков. Аминь.**

*Богородичен.* Возникни, о, страстная душе, возстани окаянная, бий из глубины в перси, и испусти слез источники, да тя помилует, окаянную, милосердая Мати Христа Бога.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

### **Песнь 8**

*Ирмос.* Егоже вои Небеснии славят и трепещут Херувими и Серафими, всяко дыхание и тварь, пойте, благословите и превозносите Его во веки.

### **Преподобне отче Паисие Великий, моли Бога о нас.**

Благодарно приносимое тебе пение сие не презри, отче Паисие, но паче приими и радости духовныя исполни, да без закоснения поклонюся твоему образу, идеже есть написан, исцеления всем подавающ.

### **Преподобне отче Паисие Великий, моли Бога о нас.**

Все преподобному житию поревновав богоугодных отец, иже от века поживших, отче Паисие, во смирении и постничестве Христа ради всю жизнь свою мученически скончал еси, и от бесов нападения много претерпел еси, и сих победил. Сего ради молю тя, отче,

буйство, ярость и небрежение молитвами твоими отрини от мене.

**Преподобне отче Паисие Великий, моли Бога о нас.**

Владыко Христе Боже Всещедрый, имиже веси судьбами даждь ми ненавидети деяния лукаваго, Ты бо еси Бог наш рекий: просите и примете. Даждь любовь от всея души моея, молитвами преподобнаго отца Паисия, творити волю Твою спасительную.

**Слава Отцу и Сыну и Святому Духу.**

Молются, на мне грешнем долготерпи Владыко, и не посецы мене яко неплодное древо посечением смертным во огонь отсылая, но плодоносна мя сотвори молитвами преподобнаго умолен бывая, время покаяния ми даждь, яко Человеколюбец.

**И ныне и присно и во веки веков. Аминь.**

*Богородичен.* Струи низпосли слез и стенания от души, сотвори ми, Чистая, внегда припадати к Твоему покрову, яко да обрящу разрешение грехов моих, Твоею молитвою.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

**Песнь 9**

*Ирмос.* Приимшая радость от Ангела, и рождшая Создателя Своего, Дево, спаси Тебе величающая.

**Преподобне отче Паисие Великий, моли Бога о нас.**

Скорый помощник был еси преподобне, еще в жизни сей, иногда у преподобнаго старца ученику в преслушании умершу, и ведену во ад, он же припадаше прося, да умолиши Всещедраго о ученице его, ты же яко скорый послушник и любви хранитель, надежду возложи ко Всещедрому Богу прострися на молитву, и Той многомилостив и во обетех неложный, волю к боящимся Его сотвори, и молитву твою услыша, изведе душу от ада. Того ради и аз недостойный, припадая молю тя, отче Паисие, молитвами твоими избави мя муки и огня негасимаго.

**Преподобне отче Паисие Великий, моли Бога о нас.**

Бывша мя бесом смех, человеком унижение, праведным рыдание, Ангелом плач, осквернение воздуху и земли и водам. Тело окалях и ум оскверних, паче слова деяньми. Аз враг Богу бых. Увы мне, согреших, молитвами преподобнаго Паисия прости мя.

**Слава Отцу и Сыну и Святому Духу.**

Яко впадый в разбойники и уязвен, тако и аз впадох от многих грехов и уязвена ми есть душа. К кому прибегну повинный аз? Токмо к Тебе, милосердному душам Врачу, прими молебника тепла преподобнаго Паисия, и молитвами его излей на мя великую Твою милость.

**И ныне и присно и во веки веков. Аминь.**

*Богородичен.* Прегрешении мои умножиша, прошению и суду достоин, Чистая, припадая зову Ти: прежде конца подаждь ми очищение и умиление, и нравом исправление.

*Катавасия:* Избави от муки вечныя усопшаго раба своего (*назови имя*), преподобне отче Паисие Великий, яко вси по Бозе к тебе прибегаем, ты бо молиши о нас Христа Бога нашего (*поклон*). Господи, помилуй (*трижды с поклонами*).

#### **Молитва:**

Страстей победителя, душам помощника, о всех молебника, всем спасения ходатая и наставника, из глубины сердца воздыхая, усердно и пламенно молим тя, Паисие Преподобне! Внемли и помози нам, не отринь и не презри нас, но абие услыши в смирении сердца притекающих к тебе. Ты, преподобне, к спасению ближних прилежно стремился и многих грешников к свету спасения привел еси. Подвиги чрезмерные успокоением считал по себе, пречудне, и, любовью ко Господу всегда горя, явления Христа Спаса сподобился еси, и Ему, за людей Умершему, любовью подражая, и об отрекшихся от Христа молился еси. Услыши нас, Паисие прехвальне, ибо недостойны есмы молиться о даровании нам великой милости Господней, понеже грешны есмы, и уста оскверненныя и сердца отягощенныя имеем, и под бременем прегрешений страждем, и не достигает молитва наша до Господа. Сего ради помолися за нас мольбою твоею крепкою и богоприятною, святой Паисие, да избавлены будут скончавшиеся без покаяния сродники, ближние и знаемые наши от муки вечныя, и молитву твою во благоволении примет Спас наш и милосердие Свое вместо добрых дел их даст им, свободит их, веруем, от страданий и вселит в селениях праведных, и нас в покаянии скончаться удостоит, да прославим вкупе Всесвятое и великолепое имя Отца и Сына и Святаго Духа, во веки веков. Аминь.

#### **Отпуст:**

Господи Иисусе Христе, Сыне Божий, молитв ради Пречистыя Твоея Матере, и преподобнаго отца нашего Паисия Великаго, и всех ради святых, помилуй и спаси нас, яко Благ и Человеколюбец. Аминь.  
Господи, помилуй (*трижды*).

## **Краткое житие преподобного Паисия Великого**

Преподобный Паисий Великий (память 19 июня ст. стилия / 2 июля нов. стилия), жил в Египте. Родители его, христиане, раздавали щедрую милостыню всем нуждавшимся.

После смерти мужа мать, по внушению Ангела, отдала младшего сына Паисия в церковный клир.

Юный Паисий полюбил иноческую жизнь и поступил в один из египетских скитов. Отрекшись от своей воли, он жил под духовным руководством святого Памвы (память 18 июля ст. стилия / 31 июля нов. стилия), во всем исполняя его повеления. Старец сказал, что новонаначальному иноку особенно нужно хранить зрение, чтобы уберечь свои чувства от

соблазнов, и Паисий, исполняя наставление, три года ходил с опущенными вниз глазами. Святой подвижник прилежно читал духовные книги и особенно прославился подвигом поста и молитвы. Вначале он не вкушал пищи в течение недели, потом - двух, а иногда, после причастия Святых Христовых Тайн, оставался без пищи по семьдесят дней.

В поисках уединенного безмолвия преподобный Паисий ушел в Нитрийскую пустыню, где жил в высеченной собственными руками пещере. Там преподобный удостоился дивного видения - Господь Иисус Христос открыл ему, что ради его трудов вся Нитрийская пустыня будет населена подвижниками. Преподобный дерзнул спросить Господа, где иноки достанут в пустыне все необходимое для жизни? Господь ответил, что, если они будут исполнять Его заповеди, Он Сам будет доставлять им всё необходимое, поставит их выше бесовских искушений и хитростей.

Со временем к преподобному Паисию собралось множество иноков и мирян, так был основан монастырь. Главный завет преподобного Паисия был один: ничего не делать по своей воле, а во всем исполнять волю своих наставников. Тяготясь нарушением безмолвия, преподобный удалился в более отдаленную пещеру. Однажды он был восхищен в райские обители и удостоился там причаститься невещественной Божественной пищи. За трудные подвиги для спасения Господь наделил своего угодника даром прозрения и врачевания душ человеческих. Из жития подвижника известен случай, когда один из его учеников, по благословию преподобного, отправился для продажи рукоделий в Египет и на пути встретил еврея, который внушил простодушному иноку, что Христос Спаситель не Мессия, что придет другой, истинный. Поколебавшись, иннок произнес: "Может быть, и правда то, что ты говоришь", - однако не придавал своим словам особого значения. Возвратившись, он с огорчением увидел, что преподобный Паисий как бы не замечает его присутствия, и спросил о причине его гнева. Преподобный сказал: "Мой ученик был христианином, ты же не христианин, от тебя отошла благодать Крещения". Раскаившись, иннок со слезами просил преподобного отпустить ему грех. Только тогда святой старец встал на молитву и испросил у Господа иноку прощение.

Один иннок самовольно ушел из пустыни и поселился недалеко от города. Там он встретился с женщиной, которая ненавидела и хулила Христа Спасителя. Поддавшись ее влиянию, он не только оставил иночество, но и попрал веру во Христа и постепенно пришел к полному безверию. Однажды, по благому Промыслу Божию, мимо его дома проходили нитрийские иноки. Увидев их, грешник вспомнил свою прежнюю жизнь и просил иноков передать преподобному Паисию, чтобы он умолил за него Господа. Выслушав просьбу, преподобный начал усердно молиться, и его действенная молитва была услышана. Господь, явившись к Своему угоднику, обещал помиловать грешника. Вскоре совратившая инока женщина умерла, и он вернулся в пустыню, где, плача и сокрушаясь о своих грехах, начал трудиться в подвигах покаяния.

Преподобный Паисий отличался великим смирением, совершал подвиги поста и молитвы, но, по возможности, скрывал их от посторонних. На вопрос иноков, какая добродетель выше всех, преподобный ответил: "Та, которая совершается в тайне и о которой никто не знает".

Преподобный Паисий скончался в V веке в глубокой старости и был с честью погребен множеством собравшихся иноков. Через некоторое время его мощи были перенесены преподобным Исидором Пелусиотом (память 4 февраля ст. стилия / 17 февраля нов. стилия) в Пелусиотскую обитель и положены рядом с мощами преподобного Павла Пустынника, с которым преподобный Паисий при жизни был особенно духовно близок.